

შრომა

სურათებიანი დამატება

დამატების № 25.

კობა, 2 ივლისი, 1906 წ.

გაზეთის № 71

მშვენიერების ღმერთავ, ნუ თუ ჩვენი
გარძობა ჩამკრალა
და სათაყვანო უკვდავების
წყარო დამშალა?
განა მოგვხარა სილუბირემ,
გული დასერა,
ჩაკვდა იმედი, რკინის მკერდმა
შესწყვიტა ძგერა?
ნუ თუ ეს არის ჩვენი წინ-სვლა,
ბრძოლის ნაყოფი,
ან განვლეთ კი გზა მოსაღვლილი
ჩვენი სამყოფი?..
არა და არა!.. კაცი შეგებს
ვერ მიეცემა
იქ, სადაც სული წარკვეთილი
ლაჩრად ეცემა!..
რას ვაქნევ მახვილს, თუ ბრძოლაში
გადამეტგრევა,
ცვარსა ციურსა, თუ გულ-წააღს
არ დამეფრქვევა!..
მისთვის მსურს მაჯა, — იქ იბრძოდეს,
სადაც დამკირდეს,
თუ არა, — მიჯობს გაწბილებას
იქვე დამიწდეს!
მაშ, რადგან გულში ცეცხლის ალი
კიდევ ტრიალებს
და ბრძოლის ველზეც ჩვენი დროშა
ისევ ფრიალებს,
ნუ შევეფრხლებით, ფრთა შევკვეცოთ
შემზლულდველ ძალას.
რომ მივაღწიოთ, ჩემო ღმერთავ,
„ალთქმულ ქვეყანას“!..

სოფ. გ—ძე.

ხ ა ი მ ე ბ შ ბ ი ნ ი.

ხაიმ ებშტეინი დღეს კარგ გუნებაზედ დაბრუნდა თავის სარდაფში: დღეს მთელი ორ წყვილ ფიჯაკის და ერთ პალტოს მასალა მოიტანა შესაყარად. ამის სახელსაქმო ფულით, ხომ სახლის ქირასაც გაისტუმრებს, ცოლ-შვილსაც გამოჰყვება და რამდენიმე მანათსაც გადაანარჩუნებს თავისუფლების ფონდის მისამატებლად.

„ხუმრობა კი არ არის, — ფიქრობდა გზა და გზა, — რამდენიმე მანეთი ერთბაშად, აი თორმეტი წელიწადია, რაც შევეუდექი ამ ფონდის გროვებას და ამისთანა მაგალითი ჯერ არაყოფილა. ერთბაშად რამდენიმე მანეთით გადიდება თავისუფლების მოსაპოვებელ ფონდისა!“

„თავისუფლების ფონდს“ ებშტეინი ეძახდა იმ ფულს, რომლის გროვებასაც ჯერ ისევ შეგირდობისას შეუდგა. ისე არ გავიდოდა ავე, ჯერ მაშინვე, რომ ერთი ან ორი შაური მაინც რომ არ მოემატებინა ამ ფულისათვის.

— ჰმ! რამდენიმე მანეთი! — მაღლა ხმით წარმოსთქვა ებშტეინმა და ჰკრა ხელი თავის ბინის კარებს.

კარები კრაქუნით შეიღო. სიბნელე და სინესტე დაუხვდა ებშტეინს შესვლის უმაღლეს, მაგრამ რა შესამჩნევი იყო იმისთვის. ეს დაბადებიდანვე სდევდა და ეხლა თითქმის იმის ბინის მოწყობილების მოთხოვნილებასაც შეადგენდა.

— ტაუბა! რატომ სანთელს არ აანთებ, ქალო?

— შენ შინ არ იყავი, ბავშვები კი ჯერ ეზოში ნათელა და იქ თამაშობენ.

— მეფე შენ კი უნდა ბნელაში იჯდე?

— მეფე, რა მიკირს! ნათელი კი მამასისხლად გახდა ავ გაფიცვების გამო.

— გეყოფა წუწურაქობა, ჩემო ტაუბა, — უთხრა ებშტეინმა ცოლს. — აბა შემოხედე ამას, — განაგრძო სიამოვნების კილოთი, როდესაც ცოლმა ლამზა ანთო და სტოლთან მიიტანა. — გინახავს შენს დღეში ამოდენა სამუშაო ერთბაშად?

— უფ, — განცვიფრებულის კილოთი შეჰყვირა ტაუბამ, — რა არის იმდენი?

ეს არის, რაც არის, ეს არის ჩვენი ცხოვრების წყარო და განმახორციელებელი ჩვენის ალთქმულ იმედებისა. ძალიან ბედზედ გავედი დღეს სახლიდან. სანკმაც და ხაიტმაც მაღაზიაში შესვლა არც კი დამაცალეს. „აბა, ებშტეინ მკერავიაო“. აბა რა თქმა უნდა, მესიამოვნა ეს ამბავი. არა, იფი-

სახელმწიფო სათათბიროს წევრნი:



ნ. ეორდანია.



ი. რამიშვილი.




ტერ-პეტროსიანცი
(ერევ. გუბ.)



გ. თუმანიანი
(ერევ. გუბ.)

ქრე ერთი, რამდენ ფულს ჩავიხზრიალებთ? საქმე კი აბა, რას შეგვაშინებს მე და შენ, ჩემო კარგო. ჩაუესხედეთ და



ავტონომიური ფინლანდია — შესანიშნავი ჩანჩქარი იმეტრა ამ ჩანჩქარის ძალა უდრის 117,000 ცხენის ძალას. ახლა შეუღდნენ ამ ძალის გამოყენებას მრეწველობაში.

კვირა ნახევარში ჩვენებურ მუშაობით ბრევას გავადნეთ! მემრე კი თუნდ მთელი თვეც ვეღარ ვიშოვოთ სამუშაო, არა გვიკის-რა.

— იფ! რა მშვენიერებაა ეს საფიჯაკო! — სთქვა ტაუბამ, როდესაც ბოხჩას ხსნა დაუწყო.

— კარგია და კარგი ფულიც დააძრო სანცმა მაგის შემკვეთელს.

— მაშ, ჩემო ხაიმ, კარგ ფას მოგვცემს, არა?

— ჰაი, ჰაი, რომ კარგს. ტიჯაკის წყვილებში (ფიჯაკი, შარვალი და ჟილეტკა) რვა-რვა მანეთი და პალტოში კი ერთი თუმანი, წინად-კი 6—7 მანეთს ფიჯაკში იძლეოდა და 8 მანეთს პალტოში.

— თვითონ, ნუ კი გამოიჯავრდები ჩემო ხაიმ, უბრალო ცნობის მოყვარეობისთვის, ბევრი დარჩება?

მაგრამ ხაიმი მეტად ნასიამოვნები იყო და გაჯავრებაზედ შორს იყო დღეს.

— თითონ, აბა რა თქმა უნდა, რომ ბლომად დარჩება. აი, მაგალითად, ამ უკეთეს მასალაში იმან მისცა 20 თუნდ 25 მანეთი, სარჩული, ლილები, ძაფი და კიდევ სხვა წვრილმანი ბევრი-ბევრი 4 მანეთი, მე რვა მანათი, სულ იქნება ოცდა ჩვიდმეტი მანეთი. თითონ უკანასკნელი 55 მანეთს მაინც გამოართმევს. მაშასადამე, დარჩება 18 მანათი.

— უფ, ორჯელ მეტი იმაზედ, რაც ჩვენ უნდა მოგვცეს?

— მაშ რა! უბრალო სამკერველო ხომ არ აქვთ ამათ. პირველნი, პირველნი არიან ადესაში.

კარში ჩამოხეწა და აცივდა კიდევ. ბავშვები ჯივილ-ხივლით შემოკვიდნენ სახლში, მაგრამ მამის დანახვაზედ წამს შეწყვიტეს ხმაურობა და ცელქობით გაწითლებულის სახით შემოუსხდნენ სტოლს. ებშტეინს უნდა ამათვისა-შეეტყობინებინა თავის დღევანდელი სიამოვნება. ამაზედ გზა-შივე იფიქრა და შეუარა მახლობელ მეხილეს. საკერავს თავი დაანება და ღიმილით დაუწყო თვლიერება თავის გოგო-

ბიჭებს, თითქოს პირველად ენახოს ესენი მამის ღიმილმა ბავშვები გაათამამა. მათ ისევ სიკილი მორთეს და წამოიშალნენ თავთავიანთ ადგილებიდან, ებშტეინმა საკერავი სტოლზე დასდო და გაემართა კუთხისაკენ. პატარა ხნის შემდეგ რალაც ქალაღის პარკით დაბრუნდა. ბავშვებმა ხელად იგრძნეს, რაშიაც იყო საქმე, და მამას გარს შემოეხვივნენ. ებშტეინმა ხელები მაღლა ასწია, რომ ხელიდან არავის გამოეტაცნა პარკი და ღიმილით მოუბრუნდა შვილებს:

— აბა, ვის უფრო გიყვართ მამა?

— მე, მე! — დაიწყო ყველამ ბლარტლუნით...

— ალა მე... მე... — იძახდა სამის წლის ევა, მაშინაც კი, როდესაც მამამ უკვე მუხლებზე შეისო და ვეებერთელა მტენისა მისცა ხელში. თუმცა ტაუბსაც ესიამოვნა ბავშვების სიხარული, მაგრამ მაინც არ დასტოვა ხაიმის ჩვეულებრივი საქციელი და საყვედურით მიმართა:

— რა ამბავია, კაცო? შენ დღეს შაბათი ხომ არ გგონა?

— რა უშავს, ჩემო ტაუბა. თუცა რით არის დღევანდელი დღე შაფათზე ნაკლები? დღეს ჩვენ ამოდინა სამუშაო ვიშოვნეთ და რატომ ბავშვებმაც არ უნდა ისიამოვნონ ამით. რატომ არ უნდა დაეატყოთ, რომ დღევანდელი დღე არა ჰგავს გუშინდელს და გუშინდელს, როდესაც სამუშაო არა გვქონდა. აი მთელი კვირაა ბავშვები შავი პურის და ხახვს — ნიორის მეტს ვერას ხედავენ.

— იცი, დღეს ჩენს ეზოში რას ლაპარაკობდნენ, — შეეკითხა ტაუბა ქმარს, როდესაც ბავშვებმა ხვრინა ამოუშვეს. — ესლა მალე თანასწორობა დადგებაო. თურმე თვით რუსები თხოულობენ, რომ მოისპოს ბინადრობის ფარგალი და ყოველი შეეწირობა ჩენი.

— ნეტავი შენ, ჩემო ტაუბა, რომ ბებების ლაქლაქს ყურს უგდებ. მა რაში მოგვცემენ ისეთ უფლებებს, როგორც რუსებს...

— ამბობენ, გაზეთებშიაც სწერიაო, რომ ჩქარა ახალი კანონები გამოვა ამის შესახებო.

— გაჩუმი, მამა გიცხონდა, არავინ არ გაგიგოს, თორემ ისეთ თავისუფლებას მოგვცემენ, რომ ყველაფერი დაგვა-ვიწყდეს. ჩენი, ჩემო ტაუბავ, თავისუფლება აი ამ ხელსა-ქმეშია. რამდენსაც მეტს გადავანარჩუნებთ ჩვენ კუქს, იმდენად უფრო გაიზრდება ჩენი თავისუფლების ფონდი და იმდენად უფრო ჩქარა მოგვიანხოვდება დღე ამერიკაში გამგზავრებისა. იქ კი ჩვენც უფლებიან ადამიანებათ ვიქცევით. იქ დავსახლდებით, საცა გვინდა, იქ ადარ დავვიწყეს დევნას სულ მუდმივი სიძულელია ჩვენ გარშემო მყოფთ. იქ „ჟიდ“-საც კი აღარავინ დაგვიძახებს და ვიქნებით როგორც სხვები. იქ ჯაფაც კარგად ფასდება და შევიძლებთ ჩვენ შვილებს სწავლა მივცეთ.


— გაუმარჯოს თავისუფლებას! ურა! მოისმა ამ დროს ქუჩიდან.

ებშტეინი გიჟსავით წამოხტა, გააქრო ლამფა და სწრაფლად ფანჯარას ეცა. ეს ძახილი კიდევ მოესმა. ხმაზედ და კილო-ზედ იცნო, რომ ამას ებრაელები იძახოდნენ და დამშვიდდა, მაგრამ ერთბაშად ქუჩაში მაინც ვერ გაბედა გამოსვლა. როდესაც ეს ძახილი უფრო გახშირდა, ნელა-ნელა მიიპარა ალყაფის კარებთან, სადაც უკვე მთელი ეზოს მცხოვრებნი შეკრებილიყვნენ და პირველს შემხედრეს მორიდების ხმით ჰკითხა:

რა ხმაურობაა? რა მოხდა?

— რა მოხდა, განა არ გაიგე აქამდის? — გაკვირვებული ხმით უბასუხა მოსაუბრემ, — თავისუფლების მანიფესტი გამო-აცხადეს.

ამ დროს მათ კარების წინ მრავალმა ხალხმა გამოიარა, ყველანი იცინოდნენ და აფრიალებდნენ წითელ ბაირაღებს თავისუფლების მისასალმებ წარწერებით.



ავტონომიური ფინლიანდია. — ფინლიანდელის სახლ-კარი ჩრდილოეთ ფინლიანდიაში. თავის დაუღალავ და მხნე შრომით ფინლიანდელი აქაც ახერხებს კარგ სახლის აშენებას და აშინებურ ცხოვრებას საზოგადოლო ფინლიანდია ცივი, კლდინი ადგილია, ნახევარ ფინლიანდიაში შეუქმნელი. მიწის დამუშავება.

— ეს რა ბედნიერი დღე გამითენდა! — ჰფიქრობდა ებ-შტეინი, როდესაც პირველ სათბურს საკერავს ხელი აუშო და ფრთხილად წვებოდა დოშაქზედ, რომ ბავშვებს არავის დას-წოლოდა. დღეს ამოდგნა სამუშაო და თავისუფლება.

II

ადვისი ქალთა კურსებს არა ჩვეულებრივი ფერი აძევს გარედ ფრიალებს წითელის ჯვრის დიდი ბაირალი. აუღიტო-რიებში ყველგან საწოლებია ჩამწკრიბებული „პარტე“-ბის ნაცვლად. პროფესორები, სტუდენტი ქალები, მოწვეული ექიმები და ექიმი-სტუდენტები ერთმანეთში ირევიან. ყველა-ნი განკარგულებას იძლევიან და ყველანი რჩევას აძლევენ ერთ მანეთს, სად რა მოაწყონ და სად რა გამართონ. ყვე-ლაზედ უწინ სადოსტაქრო ოთახი მოაწყეს, რადგან ეს-ეს არის დაქ-რილებს მოიყვანენ და უნდა ყველა მზად იყოს. შემდეგ შეუდგნენ პა-ლატებისა, სასაღილოს, მისაღებ ოთახის მწყობრს მეტად თავ გადაღე-ბით მუშაობენ, ზოგ იატაკებსაც თვითონ რეცხენ, თვითონვე ეზიდე-ბიან მძიმე რკინის საწოლებს და ვეებერთელა თივის ლეიბებს.

უკეთეს მდგომარეობაში არც ისინი იყვნენ, რომელნიც ქუჩაში წავიდნენ „წითელ ჯვრის“ რაზმებად. ტყვიის ზუზუნი, ყველგან მტკრევა, ყველგან ლეწვა, ყველგან სისხლი და სიკვდილი თან დასდევდა ამათ.

მეტად ცუდ მდგომარეობაში ჩავარდა იანკოვსკისა და იმისი თა-ნამგზავრი ქალი და სტუდენტი ექი-მი. ესენი კურსებიდან გამოხვდის-თანავე ზუღიანების ჯგუფს შეეხე-ჩნენ. ეს ამბავი მკვლელების ქუჩაზედ მოხდა: ქუჩა გუშინვე დაღუწეს. უსიამოვნოდ გამოიყურებო-დნენ უკარ-ფანჯარო სახლები. შიგა და შიგ მთელი სახლები

და ბინებიც ხვდებოდათ, აქ ჯერ ისევ ხელ-უხლებლად იდო კარებში და ფანჯრებში მათი გადამანარჩუნე-ბელი ხატები. ქუჩაში მრავალი ხალ-ხი ირეოდა მომეტებულად დედაკა-ცები და ბიჭ-ბუჭები იყვნენ. მოზ-დილები სხვა უბნებში წასულიყვნენ გზაელების ასაკლებად.

— გააჩერეთ, გააჩერეთ, — აწი-ოკდნენ დედაკაცები, როდესაც „წი-თელი ჯვრის“ რაზმი ამათ გაუსწო-რდნენ.

— ხომ ჰხედავთ, „წითელი ჯვრის“ რაზმი, — უთხრა სტუდენტ-მა, როდესაც ეტლი გააჩერეს.

— გიცნობთ, გიცნობთ, — დაი-წყეს წიწინი დედაკაცებმა. — თქვენ ყველანი სოციალისტები ხართ! თქვენ იარაღი დაგაქვთ!

— რას ლაპარაკობთ, ჩვენ და-ქრილებს დაკრეფავთ, დედი! — უთხ-რა იანკოვსკისამ დედაკას.

— ვიცით, ვიცით, რა დაქრი-ლებსაც ჰკრეფავთ, აი გუშინაც ერთმა თქვენისთანა მაწანწალამ ყუმბარა გადააგდო თურმე კარტა-მიშვის ქუჩაზედ.


ყაზახებმა, რომელნიც იქვე იდგნენ, გარეყეს დედაკაცები და როგორც უფრო მცოდნეთ, დაუწყეს წითელ ჯვარს ჩხრეკა.

— ჩვენ ყველას ვშველით. ჩვენც რუსები ვართ, ეუბნე-ბოდა იანკოვსკისა ყაზახებს, მაგრამ ამაოდ.

— ჩულები გაუშინჯე, ჩულები, მანდ ინახვენ ხოლმე ყუმბარებს! — წიწინობდნენ დედაკაცები.

იანკოვსკისას ახალი ფეხსაცმელი დახადეს, თუმცა ყუმ-ბარა არ იყო შიგ, მაგრამ მაინც მიითვისა ფეხსაცმელი ერ-თმა კაპასმა დედაკაცმა, რომელიც ყაზახს გვერდზედ ედგა და იმის ნაცვლაჟ დიდის მოწყალობით გადაუყარა თავისი ნაგლეჯები. ამა ხმას ვინ ამოიღებდა. წაართვის ფულიც და სიცილით და სტვენით გზა დაულოცეს.

— გოგონა! სად მიხვალ? — მიუბრუნდა იანკოვსკისას ერთი



ავტონომიური ფინლიანდია — სეიმის (პარლამენტი) სახლი, ამ სახლში ყოველ სამ წელიწადში იკრიბებიან სამღვდლოების, მოქალაქეთა და გლეხთა წარმომადგენელნი ფინლიანდიის საქმეებზე სათათბიროდ.

ყაზახი, როდესაც ეტლი დაიძრა. — აფსუსი არ ხარ, რომ მოკვდებოდი ჩვენთან. წამოდი ყაზახებში.

— მართლაც რომ, — ჩაურთეს დედაცაცებმა და ასტე-
ხეს საერთო ხარხარი.

პირველი დაქრილი პროზოროვის ქუჩიდან წამოიყვანეს.
დაქრილი სანაგვის ყუთში ჩამჭვრალიყო და, კენესა რომ არ
შემოგვსმოდათ, შეიძლება, ვერც კი ებოჯნათ.

შეურაცხყოფა, შიში, გარშემო სიკვდილი და სისხლი,
მაგრამ იანკოვსკისა მაინც იმაგრებდა თავს. წინადაც კი საკმაო
იყო ერთი წვეთი სისხლის დანახვა, რომ გული შემოჰყარდა.
მამაცად მისდევდა სტუდენტს, ზედ აბიჯებდა მკედლებს, რო-
მელნიც კიბეებში ეყარნენ, მაგრამ ბოლოს, როდესაც დაქ-
რილს იღებდნენ ნაგვის ყუთიდან, ფანჯრიდან ბავშვი გად-
მონარცხეს ქვაფენილზე და იანკოვსკისამ ვეღარ შეიმავრა
თავი, გაფითრდა და, ის იყო გულიც უნდა წასვლოდა, რომ
სტუდენტმა დაუყვირა:

— რას ჩაღით, დაიქით დაქრილი მაგრა!

თითონ ებშტენისაც ახსოვს ეს წუთი. ხშირად მოაგო-
ნებდა ხოლმე ამ წუთს იანკოვსკისას.

III

— ნელა, გევედრებით, ექიმო! — მოჰყვა შაპირის ქერი-
ვი, იმ წუთსვე, რა წუთსაც შემოიყვანეს სადოხტურო ოთახში.

— რა მოგივიდათ, შაპირო? — ეუბნება მოწყალეების და, —
ჯერ ხომ ხელიც არ უხლიათ თქვენი ქრილობისათვის.

საკოდავ დედაცაცისათვის ტყვიას ძეძუ შეუაზედ გაეფ-
რიტა და მარცხენა მკლავში ჩასჯდომოდა.

იქვე მეორე პალატაში იწვა იმის შვილი. ბავშვისათვის
ლოყაში დაერტყათ კეტი და შუბლიდან ნიკაპამდის ჩახლი-
ნათ ხახვი.

— გაჩუმდით, — ეუბნებოდა მოწყალეების და, — თორემ
თქვენი სოლომონიც დაიწყებს ტირილს.

შაპირი გაჩუმდა, ამ წუთს შემოიყვანეს მარგოლინი და
ამის იქ ყოფნის დროს კი ყვირილი შეუწყვეტელი იყო ხო-
ლმე. მარგოლინისათვის ორგან გაეხეთქათ თავი, ქრილობე-
ბი თუმცა მიძიმე არა ჰქონდა, მაგრამ, როგორც ეტყობოდა,
ნერვები აშლოდა. ვერც ფეხზედ ჩერდებოდა და ვერც ჯდებო-
და.

— როგორა ხართ მარგოლინი? — შეეკითხა მუდამ მოლი-
მარე მოწყალეების და.

მარგოლინიმ ჰასუხის ნაცვლად, ჩვეულებრივი ფრაზები
დაიწყო.

— მცირე... მცირე... მტკივა... ვაი... ვაი...

ყველაზედ ექვინად პატარა შაპირის ექირა თავი. მარ-
გოლინი, ქრილობა კი აღარ ჰქონდა, მაგრამ თვალს ჰქონდა
გასიებული და ყოველ დღე ძალით უხსნიდნენ და წამალს
უშვებდნენ. ამის შემოყვანასთან ერთად ყველას სახე ეღიმე-
ბოდა სადოსტატრო ოთახში.

იქვე იყო ებშტენიც, ამას დღეს უკანასკნელად უხნი-
დნენ სახევეებს. ქრილობა აღარც კი ეტყობოდა. მართალია,

მარჯვენა ხელის საჩვენებელი თითი დაუშავდა, მაგრამ ფიქრი
არ იყო — შუშობას არ დაუშლიდა. ებშტენიმა უკვე გამოსცადა
კიდევ თავისი ხელი და ამ მხრივ დამშვილდა. ამას ეხლა მა-
რტო ცოლ-შვილის ამბავს უცოდინარობა აწუხებდა. იგი ყვე-
ლაზედ წინადაც დასტურს და სრულებით არა იცოდარა იმათზედ.
მართალია, სტუდენტმა ქალებმა უთხრეს, „შენი ცოლ-შვილი
ცოტათი დაქრილი იყო და ნათესავებმა შვილებითურთ კიევში
წაიყვანესო, მაგრამ გული მაინც საგულეში არა ჰქონდა.

„ხელი მივარგა, — ფიქრობდა ებშტენი, — როდესაც კურ-
სები მიატოვა და გაემართა სანცის მაღაზიისაკენ, — შეუდგე-
ბი ისევ ჯაფას და...

— სად დაიკარგეთ ებშტენი? — მაღაზიაში შესვლის უმაღ-
ლიადაა სანცმა.

— დაქრილი ვიყავი და აქამდის საავადმყოფოში ვი-
წევი.

— ტანისამოსი?

— ტანისამოსი ხულოვანებმა წაიღეს, მე იქნება არც კი
დავექირე, რომ თქვენი ტანისამოსი არ მქონოდა. ჩვენ ყვე-
ლანი საყინულეში დავიმალეთ, წავიღეთ თან, რაც მოგვს-
წარიდა, თქვენი ტანისამოსი მაშინ მომაგონდა, როდესაც უკვე
ეზოში მივინვარებდნენ ეს ვაჭბატონები, გავქანდი ოთახისა-
კენ, ისინი უკვე თარეზობდნენ ჩემს ბინაზედ და, აბა რა თქმა
უნდა, არ დამინდეს...

— რაგზს დაპარაკობ ებშტენი!? რა ჩემი საქმეა ეგენი.
მე თქვენ მაქალა მოგვცით შესაყარად და უნდა მიზლოთ კი-
დევ, თუ დაჰკარგევით.

ებშტენიმა კარგად იცოდა სანცის სასტიკი გული, კარ-
გად იცოდა, რომ იმასთან დაპარაკი ტყუილი იყო, ბევრი
დაპარაკი უფრო გააქვავებდა და შეიძლება სულაც დაეზოვ-
ნა თავის ქარგლობიდან და სასამართლოთი გადაეხდებინა
მისთვის ფასი. ეხლა კი უფრო საჭირო იყო ამისთვის მუშა-
ობა, ეხლა უფრო გაუცხოვებოდა აღთქმა — ამერიკაში გადას-
ხლება და მეტი რა გზა ჰქონდა, დათანხმდა.

„დღე-ღამეს გავასწორებთ მე და ჩემი ტაუბა, თვა-
ლებს ჩავიწყალბებ საყვარელს და ჩვენ შვილებს კი ავაშო-
რებთ იმ დღეებს, რაც ჩვენ გამოვიარეთ. ერთი წელიწად
ნახევარიც და მაშინ კი, მშვიდობით რუსეთო! მშვიდობით
დედნიაცავლო! იქ ჩვენც აღამიანდა ვიქცევით“. ეს მოსა-
რება სულ მუდამ იმის იმედის და ჯანის ჩამდგმელი იყო.

მაგრამ საბარლო ებშტენიმა ის კი არ იცოდა, რომ მი-
სი ცოლი კიევში კი არა — შავ მიწაში იყო. მისი შვილები
გვერდთ ეწვენენ საბარლო დედაცას! და მისი თორმეტი წლის
ოფლით ნაგროვი „თავისუფლების ფონდი“ კი დაწრთის ად-
რის სამიკიტნოებში.

გ. მ. ლაღაშვილი.

რედაქტორ-გამომცემელი გ. ს. რეხილაძე.

ბეგრნი გეკითხვენ: რატომ კარნაჰატურები არ იბეჭდებოდა. უნდა აღვნიშნოთ რომ ცენტრალ იმდენად სასტიკად
გვეწერება რომ შეუძლებელი გახდა შინაარსისანი კარნაჰატურების და სურათების მოთავსება.

საპოლიტიკო და სალიტერატურო ყოველ დღიური გაზეთი

„შ რ მ მ ე“

სურათების დამატებით პირველ ივლისიდან წლის დაბოლოებამდე ღირს 4 მანეთად.